

瑜伽師地論義演卷第八

計四十  
二節

大安國寺沙門

論已說四種至次說五

分為二初結前生後

種至自性行聚

漏五蘊門文分為二初

逐染汙名有漏蘊 論此

二無漏五蘊門蘊名雖同染淨全別三界蘊者染汙名

漏諸佛蘊者清淨無漏漏無漏異故分二門 論又有

五種至香味觸 演曰三五塵樂欲門文分為二一明

五愛欲二辯起愛因初中有二初明愛欲二明離欲者  
愛欲者緣五境貪名五欲也 論當知此中至所愛樂  
受 演曰二辯起愛因五欲貪愛緣於三世四事而生  
文可知也 論又有五種至鬼趣 演曰四五趣自躰  
門善惡二趣名愛非愛 論又有五種至心生吝惜  
演曰五五種失利門文分為二初標失利後辯五慳文  
言五若為五慳也一住處慳謂若於是處獨受利養不  
令餘住二家慳若從彼得利養之家我獨交遊不令餘  
人輒有過往三施慳若所得物我獨取之餘勿露也四  
稱讚慳若所為得衆妙美事獨自稱我莫讚餘人五



者法慳若如是得教等法中獨有所證餘莫知之五慳  
在身人皆汙賤既虧利養又失沮解生惡趣中永無出  
曰諸有智者當須誡之 論又有五法至善軌 演曰  
六五蓋過失門文分為二初彰過失後明五蓋此初也  
論謂於諸欲至嗔恚 演曰後明五蓋文分為二初明  
前二後辯後三初中復二明蓋躰二彰過失此初也  
於欲生愛是貪欲蓋於能覺等是嗔恚蓋 論未受

五伽師地論義演卷第八

第二張

點字号

尸羅至或使穿穴 演曰二彰過失淨戒既虧必無止  
行尸羅不淨定即不生 論耽著惛睡至常懷疑惑



演曰後辯後三文亦為二一辯三蓋二明過失此初也耽  
者睡眠惛沉睡眠蓋不寂靜等掉舉惡作蓋常懷疑惑  
第五疑蓋 論於所聞法至不證決定 演曰一明過  
失謂由蓋故聞法不領初領忘失不證決定如次三蓋  
所生過失由毀多聞便虧觀故 論又有二種至界下  
分 演曰七下分五結門文分為二初辯下名後明五  
結此初也 論約此二說至嗔恚 演曰後明五結如  
文可知問邊見見取邪見等三何非初之下分所攝答  
身見戒疑三為根本邊等如次依三而生舉本彰末不  
言六也問貪通上下如何對界而得下名答貪在欲增



故亦名下癡增普遍無勝不言小宗有異如俱舍二十  
七顯宗二十七等亦具明也 論又有二種至及無色  
界 演曰八上分五結門文分為二初辯上名後明五結  
此初也色及無色在欲之上名二上分 論依此二種  
至無明 演曰後明五結一色貪二無色貪三掉四慢  
五癡無色同貪為性故云無別後云三結各別有性故  
云差別然五上分皆修所斷故無見取及疑等也 論  
又為五種至無有信敬 演曰九五種非信門文中有  
二初標過失後列五名一於大師二所說法三於三學  
四正授戒五同梵行無有信敬通上四也 論又有五



種至或增上慢 演曰十精進五障門第一耽定及希  
彼生第五下劣躰即懈怠怠餘可知也 論復有不能至  
多行惡行 演曰十一五種邪行門文分為二初明五  
行後彰五果此五行也一於怨起嗔謂於怨敵至嫌意  
樂二於親破壞謂於親友樂欲破壞三作不饒益謂常

欲令至不饒益事四壞自淨戒謂壞尸羅五造三惡行  
謂由身語至行惡行 論由此五種至顛墜惡趣 演  
曰後彰五果文分為二初標後釋標中五者三種等流  
為三一種現法為四一種後法為五釋中五者謂次生中



至現在前明前三果一謂怨敵二親乖離三他起等恒  
現在前如次是前三因等流過患果也言臨命等是前  
第四壞尸羅因現等流果此生將死所生憂悔名為現  
果言命終等是前第五三行惡因所致果也 論與此  
相違至如應當知 演曰十二五種正行門文中有二初  
舉正因後標勝果有五差別及前應知 論又有五法  
至後法憂苦 演曰十三五種憂苦門於中分二初標  
後釋如文自悉 論與此相違至所有喜樂 演曰十  
四五法喜樂門及前可知 論又阿羅漢至邪受用  
演曰十五聖起五乘門文中有二初標後釋如文可知



論又修斷者至時分智慧 演曰十六五種修斷門文  
中有二初舉功能後標五法 論又有五種至對治法  
演曰十七五種猒離門文分為二初標後釋此初也  
論謂於諸法至計我顛倒 演曰後釋分二初辯所治  
後辯能治所治有二先辯前三後明後二初中復二先  
辯起因後明顛倒起因有三初時節者不了諸行剎那  
生滅妄計為常名時節愚二分位者三受位中計苦為  
樂名分位愚依樂立壞皆為苦故三自性者不觀有情  
蘊為自性妄執為我名自性愚故隨次第起三倒也  
論及規求利至望壽命 演曰次明後二規財求命如



其次第明四五也

論為治如是至取中天相

演曰

後辯能治於中復二初標後釋對所治法次第配屬如  
文可知 論又有五種至無倒思惟 演曰十八五種

瑜伽師地論義演卷第八

第四張

點字呈

勝行門文中有二初標正行後因聞下辯五種名一者  
聽聞因解法義謂因聞等二者讀誦因廣大等以廣  
大音自讀於教能解法義揀別思惟故言大音三為他  
說謂開闡等四諦思惟謂空處等顯因後三皆解法義  
故指同初名當亦尔五能治漏依定得慧能了法義謂  
勝行者於上品等 論又有五種至方便具足 演曰



十九五修具足門文分為二初標具足後列五修五修之弊即信等五一於沮縣等物惣顯信根二無間懇重明其精進三正智而行彰乎念相止觀如次定慧二根論又有五法至憂喜捨 演曰二十五受果相門於中分二初標後列文易可知 論又由成就至諸勝善品 演曰二十一五力堪能門文分為二初指前文後彰自德弊數同前五根法也 論又有五種至得般沮縣 演曰二十二辯五那含門文中有二先標後釋釋中五種如次中生無行有行上流般也上流之中樂慧定別故分色界無色二般問初之中般通餘無餘後四有餘不通



無餘何意尔耶答為生結盡但起結在故歸中有中有  
時分極長七日故般涅槃得有二種餘四生結而未云  
亡得生彼天時容經久所以般言顯有餘依非得無學  
即入滅故 論又有五種至果生地 演曰二十三生  
五淨居門文分為二初標後列廣釋如前此但增門彰  
所知法所有法躰更不重云 論又有五種至當知亦  
尔 演曰二十四五種出離門文分為二初標後釋釋中  
五者一欲二恚三害四色無色定五及般涅槃此五如次  
出離欲恚害色薩迦耶見如前應知 論已說五種  
至次說六種 演曰第六增六分別門大分為二初結



前生後後依生正釋此初也 論謂依六相至入無我

瑜伽師地論義演卷第八

第五張

點字号

故 演曰後依生正釋分類不同為十六分一六相差  
別分文分為二先明立意後隨別釋此初也明八種事  
皆有六相六相是同故約六相說八種事六相躰者初  
所依事眼等六根乃至第八名為六愛 論謂我所依  
至事差別 演曰後隨別釋文分為二初列後釋此初  
列也言八事者一根二境三識四觸五受六想七思八愛  
自性事者執識為我自性事也觸為受因名受因事  
論於如是等至不住損減 演曰後釋分二初明計我



後明無我此初也依於六相宣說八事一二次第如文可知  
論若於如是至皆不得生 演曰後明無我義思  
可悉 論又於寶學至亦皆退失 演曰二六種輕筏  
分文分三段初標有過次辯所輕後彰退善此初也由  
輕筏故於寶及學如其次第未得便退及得已失一切  
皆盡故云乃至微信亦皆無也 論謂於佛法至增上  
慧學 演曰次辯所輕所輕有六名六輕筏 論由惡  
友故至全無所得 演曰後彰退善文分為二一辯退  
因二彰退失此初也由於寶學起輕筏故便親惡友親  
惡友故得邪僻教由斯便失心慧二學復起惡語說邪



法故心慧全無心慧無故戒學亦無 論彼由邪僻至  
所有善法 演曰二章退失如文可知 論與此相違  
至白品六法 演曰三白品六法分翻六輕義名白六法  
二次第思之可知 論又有情心至平等分位 演曰  
四六貪所依分文分為二初明貪六次例餘根此初也  
而於色等六境起貪名所依處境順於情名為平等  
論如貪所依至當知亦尔 演曰後例餘根嗔境違情  
名不平等癡云所取非有順違故成非二此二同貪亦有  
六種名當亦尔雖例嗔癡六法是同故合為一况初標  
舉但明貪也 論又有六種至恒平等住 演曰五明



六恒住分文分為二初標住用後辯六恒謂諸無學於  
六境中不生憂喜安住正捨名六恒住 論又有六法  
至自在而轉 演曰六六界差別分文分三段初標德  
用次列六名後隨別釋此初也所依處者扶根塵色色  
依四大動依於空心所依心三依各異故云隨應之所  
依上文略不言動心所法無障礙等通顯四大空識能  
也 論謂四大種至識界 演曰次列六名 論如是識  
界至今不爛壞 演曰後隨別釋唯明識界餘略不論  
識界有二一引導安養二自在無礙此初也謂現六識



積集善惡能引當來愛非愛果藏識任持根身不壞  
名引安養 論又由現法至差別而轉 演曰後自在  
無礙由識自在令業有別名無障礙 論復有三處至  
超越有頂 演曰七六種無上分望所對治明六無上  
文中有二辯所治二辯能治此初也 論超越此三至  
第三對治 演曰二辯能治文分為二先明六法後辯  
功能此初也無量為四無相第五慢盡第六慈悲喜捨  
如次能治恚害不樂及貪嗔也 論永害如是至無疑  
惑 演曰後辯功能如文可悉 論又有六種至顛倒  
執著 演曰八六諍根本分一者忿恨二謂覆惱三謂



嫉慳四謂誦誑五邪倒見六邊邪等見集異門論具廣  
明之義可知也 論又有六法至能斷第六 演曰九能治  
六諍分慈善三業為三同利為四尸羅為五正見為六行  
相可知 論又有六法至能攝究竟 演曰十六法威  
神分文分為二初五威德第六究竟如下具明 論又  
於聖諦至現觀法 演曰十一六障現觀分文分為二  
初標後釋此初也 論謂如前說至惡分別事 演曰  
後釋分二初明障躰次辯起人此初也三倒為三規利  
為四希壽為五順惡見等以為第六前五如前增五門



說故但分別第六事也 論如是喜樂至成熟分中  
演曰次辯起人唯凡非聖燔等位前求明分時此為障  
勝非是聖者成熟分中起此障也 論對治如是至可  
樂取相 演曰十二六種正相分文中有二初之五種如  
前增五正相所明今但明六不可樂相思可知也 論  
又有二種至今生歡喜 演曰十三明六隨念分文分為  
二初辯德能後明六念此初也要二具足方成六故  
論謂歸依至名證隨念 演曰後明六念文中有二先  
標後釋釋中有六初三可知後三如次或施修三名證  
行足 論又有六法至承事供養 演曰十四六法無



上分文分為二初標後釋釋中六者一見大師二聞正  
法三得淨信四隨學處五於大師起隨念行六於大師  
承事供養此六如次名為見聞正信學念供養揀異邪  
宗名無上故 論又有六法至繫攝其心 演曰十五六  
法盡貪分不觀六境為患對治貪因何盡故說六塵名  
為盡貪 論又六因緣至三種亦尔 演曰十六六業為  
依分文中有二初標後釋謂破外道妄執種姓以為決  
定故標勝劣二類人中各分三業以為六也劣中三者  
一惡業惡趣二善業善趣三現般涅槃勝類亦三准此  
應悉 論已說六種至次說七種 演曰七增七分別



門文分為二一結前生後二依生正釋此初也 論謂有  
七法至念通二品 演曰後依生正釋支分義殊有十  
五支一七種覺分支文中有二先標後釋釋中止觀義  
攝七支念能憶持故通二處如下具明 論又由根故  
至俱分解脫 演曰二七數取趣支文分為二先標後釋  
釋中七者一隨信行二隨法行三信解四見至

五鄒含解脫六慧解脫七俱解脫二十七種雖皆賢聖

此七是惣故偏舉之餘之別法皆依此七而建立故問  
定障躰何答有二種一通二別若通行者染汙之心能



障定者皆名為障若別障者護法釋云異熟生受及俱無明以為自性領受下劣障勝定故硬澁等性皆別障也 論又三因緣至攝受因緣 演曰三三因七行支文分為二初標後釋釋中有二初辯三緣後明七行言三緣者一趣入二安住三攝受言七行者一正見二正思惟三正語四正業五正命六正勤七正念於斯七行分作三緣初二為趣入緣由此二種能趣定故次三名安住緣由三而能安住心故後二名攝受緣攝受勝行故由斯三七心住內緣更不異思名為正定 論又諸世間至所生之樂 演曰四七種聖財支文分三段一明凡未得二辯



聖證之三結世妄想此初也 論謂與信俱至所生之樂

演曰二辯聖證之言七財者一與淨信清淨妙樂財二生善趣戒嚴俱足財三願自妙好慚無惡行財四願他誹毀愧無悔慙財五善解法義多聞引樂財六後世無乏捨施感生財七諦實覺悟聖慧了知財 論諸如是等至妄想之樂 演曰三結世妄想文可知之 論又有七種至愚癡增廣 演曰五七法魔惑支此七如次翻前聖財義即明矣 論若能降伏至信等七力 演曰六七力降伏支體即是前七聖財也能生樂故名財降伏惡故為力義既不同故分二分猶如信等名根力故



論又有七種至衰退隱沒 演曰七七法衰損支文分  
三段初惣標過次三所攝後明三體此初也 論如是  
七法至方便衰損 演曰次三所攝文分為二初列後  
攝三損可知言七法者一邪欲二不信三不解不解體  
即邪勝解也四懈怠五失念六心亂七惡慧七中第一  
初損所攝次之二法第二損攝後之四法第三所攝義  
思可悉 論受用衰損至善根品類 演曰後明三體既言初  
衰是貪品類明七初體未必即貪但以邪欲為貪類  
故邪解以為癡之品類行亦相扶故取隨惑為三體  
也 論與此相違至七法 演曰八七法興盛支如



次翻前三衰七法即名此中三興七盛白法支也  
論又有七種至不可供養 演曰九七法無退支文  
分爲二初惣標列後隨別釋此初也謂此七法能爲  
出世無漏正因名涅槃品法 論此中由聞至少欲  
者等 演曰後隨別釋如文可知 論又有七種至  
相續而住 演曰十明七識住支文分三段初惣標  
舉次揀餘非後彰識住此初也 論於三界中至不  
立識住 演曰次揀餘非所言住者識於取蘊樂住  
著故故名識住惡趣不樂無想識無有頂之心而入  
滅盡皆非識住第四靜慮有無想天及五淨居故全



非住 論身異類故至異類想 頌曰後彰識住文中  
中有四一身異想異謂從身異至種種想即欲界人  
天二身一想一謂從當知至一種想即第三禪也三  
身異想一謂從梵世至非有異類即初禪也四身一  
想異謂從第二至異類想即第二靜慮第二靜慮身  
量雖異光照是等故名一種問光音天生先後有異  
見火怖殊淨天亦有生先後異見水應成怖非怖別  
答火災上焰故有怖生水起下流故無斯想 論又  
諸有情至疑品嚴重 頌曰十一明七隨眠支文中  
有二初標後列如文可知 論又於外道至慧過失



演曰十二七種過失支文分爲二初慈標列次隨別  
釋此初也 論彼諸外道至亦有過失 演曰次隨  
別釋文易可知 論與此相違至無過失事 演曰  
十三七無過失支如次翻前過失應悉 論又有七  
分至當談當知 演曰十四七法滅諍支一現前毗尼  
二憶念三不疑四自言治五覓罪相六多覓罪相七  
如草覆地 論此中有七至舉罪諍事 演曰十五七  
種諍事支如應是前七滅諍法所滅之事名七諍也  
論第十五  
論已說七種至次說八種 演曰八增八分別門文



分爲二初結前生後後依生正釋此初也 論謂有  
八支至名爲修慧 演曰後依生正釋章句類異而  
有十章一八支聖道章文分爲二一惣舉八能二別  
明三攝念爲定攝勤爲慧攝者約隨增說理實皆通  
論又由至住四果者 演曰二向果八人章方便名  
向果謂四果 論又有二種至無過失 演曰三八  
施差別章文分爲二初惣標舉後隨別釋此初也  
論謂有布施至而行布施 演曰後隨別釋別釋爲  
八初懈怠失凡有所施皆起嬾心名懈怠失不隨欲  
者自求富故而行於施非欲益物而行施之名有過



失顧戀施者酬答先恩而行所施非爲求福而行惠  
施故名過失餘思可知 論又依四處至非精進類  
廣曰四八種懈怠章文分三段一惣標舉二辯處時  
三結前義止初也 論謂依七食至下平等處 演  
曰二辯處時文分爲二初明四處後辯八時此初也  
界下平等謂四大乖角 論依此四處至恐更發時  
演曰後辯八時於前四處有此八時關有修行名爲  
懈怠八時次第如文可知 論此懈怠類至懈怠種  
類 演曰三結前義類爲修斷名爲懈怠此八起緣  
是彼之類名懈怠種類 論與此相違至勤精進類



演曰五辯八精進章四處八時反前應悉 論又有  
八種至福業事 演曰六八願福生章文中有二先  
標後釋福生是果願施戒等名之爲因由願因先方  
修施戒故瑜伽義演八標願也言八福者謂士欲人中卑尊二類及  
欲六天名爲八也 論又四因緣至建立四衆 演  
曰七八衆勝劣章文中有二初惣標舉後隨別釋別  
釋有二初釋人四後明天四人中復二初釋後結釋  
中所言取增上者刹利王衆世共許者婆羅門衆受  
用等者謂長者衆自財自在用不由他棄捨等者謂  
沙門衆天中四者初釋後結依下二天地邊際中立



爲二衆依欲邊際第六天中立爲魔衆依於梵世語  
邊際處立爲梵衆此中八衆皆佛所化名如來衆  
論又於世間至觸於苦樂 演曰八八法順違章文  
分爲二初標後釋釋中有二初辯三處後明八法一  
於樂欲處生其二法一利二衰二於功用處觸生四  
法一毀二譽三稱四譏謂有稱他意及不稱他意故  
於背面現前兩位如次觸義毀譽稱譏四不同也三  
於衆緣處發生二法一苦二樂苦樂二法依此順違  
衆緣生故 論又八勝解至最勝住 演曰九辯八  
解脫章文分爲二一標勝德二別解釋釋中有二初



辯前三後彰後五二中皆有釋結二也然第三中云  
淨不淨非二色者謂此解脫而有三相一展轉相待  
二展轉相入此二通觀淨不淨色名淨不淨三一味  
想唯觀光明非淨不淨名非二色此寂爲勝平等觀  
故故名第一捨勝解也結云唯聖不共凡者約勝而  
說理容凡有但謂勝劣而不同也 論又若觀諸色  
至而修習者 頌曰十明八勝處章文分爲二一總  
顯勝處是解脫因二明勝處名勝所以初復有二一  
勝經言二明論說此初也定心觀色如前散心所觀  
之色故言若觀如所觀也 論謂三解脫至三勝處



也 演曰二明論說經明勝處為解脫因理實八勝  
皆方便攝從果為名所如義三勝處即三解脫之勝處點也  
故八總名三勝處也問前第十二勝處為果此何云  
因答夫修解脫有初久別初為勝因久為勝果前後  
手舉亦無違也 論此中至若勝者 演曰二明勝  
處名勝所以文分為二先彰散境後明定境初中復  
二先勝經明後隨經釋此初也 論謂觀至所得色  
演曰後隨經釋初經所言觀小色等是定方便散心  
之境名非定色 論由緣三摩至故名為勝 演曰  
後明定境文分為二初釋勝名後彰知見此初也由



觀定境不同散位小大等相種種現前名爲勝處但  
觀一類定所現色心無異相名爲勝也 論於三摩  
地至名見 演曰後彰知見文分爲二先彰定位後  
明散境止初也定位止觀名勝知見 論知於三摩  
地至諸色亦尔 演曰後明散境出觀散心所觀境  
色同定所觀等無分別名爲亦尔 論已說八種至  
次說九種 演曰九增九分別門文分爲二初結前  
生後後依生正釋此初也 論謂有九結至當廣建  
立 演曰後依生正釋惣有二類一九結相應類列  
名辯相如下具明 論又有九種至如前已說 演



曰二九有情居類九地有情名九居止除三惡者非  
所樂故 論已說九種至次說十種 演曰十十法  
分別門文分爲二初結前生後後依生正釋此初也  
論謂十遍處至當廣分別 演曰後依生正釋惣有  
二門此所辯者十遍處門前雖略辯後當廣明此所  
知中未具陳也 論又有十至知見蘊 演曰二無  
學十支門支謂分也無學皆具此十支故五蘊之中  
前之三蘊分爲八支并後二蘊故名爲十離爲八者  
戒蘊有三謂語業命定蘊有二謂念及定慧蘊有三  
謂正思惟見及勤也解脫即破無漏勝解正見而與



解脫知見有差別者緣事緣理二有別故此後二門  
小宗亦辯廣如正理第二十二集異門論十七婆沙  
九十四俱舍二十五說 論如是已說至內明處攝  
演曰第四佛教所應知處第三惣結 論云何醫方  
至如經應知 演曰第二醫方明處文分三段初標  
次釋後指如經 論已說醫方至因明處 演曰第  
三明因明處文分爲二一結前問後二依問正釋此  
初也 論謂於觀察至所有事 演曰二依問正釋  
文分爲二一略答所問二別徵廣釋此初也所建立  
法名觀察義能隨順法名諸所有事諸所有事即是



因明爲因照明觀察義故 論此復云何 演曰二  
別徵廣釋文分爲二初徵後釋此初也 論喟陀南  
曰至所作法 演曰後釋分二初頌標舉後隨別釋  
此頌標舉惣有七門 論當知此中至所作法 演  
曰後隨別釋文分爲二初列七名後依次釋此初列  
也 論云何論體性 演曰後依次釋文分爲七一  
明論體二明論處三辯論依四明莊嚴五明論有六  
明出離七明所作明初體中分之爲四一惣徵起二  
隨略答三廣分別四揀是非此初也 論謂有六種  
至教導論 演曰二隨略答略有六種名論體也



論言論者至是名言論 演曰三廣分別文中有六  
一言論二尚論三諍論四謗論五正論六教論此初  
言論言論體者一切言說言音詞句以爲體也 論  
尚論者至所有言論 演曰二明尚論隨所對根由  
宗立理言詞無過名高尚論 論諍論者至諸欲所  
起 演曰三明諍論文中有一依欲起二依惡行  
三依諸見初復有三先標次辯後結此初標也 論  
若自所攝瑜伽義演至或爲受用品 演曰次辯分三一明諍境  
二辯諍心三明諍體此初境中而有四別一自攝他  
奪二他攝自奪三俱攝俱奪四非攝非奪謂歌儻等



論於如是等至因貪愛故 演曰二辯諍心於前四  
境一一皆生堅執等心故爲諍也 論發憤乖違至  
興怨害論 演曰三明諍體如文可知 論故名諍  
論 演曰三結名也 論或依惡行所起 演曰二  
依惡行文分爲二先標後釋此初標也 論若自所  
作至手相譏毀 演曰後釋分三初明諍境次辯諍  
心後彰諍體此初也 論於如是等至因貪愛故  
演曰次辯諍心貪瞋癡等皆諍心也 論更相憤發  
至故名諍論 演曰後彰諍體及結如文 論或依  
諸見至是名諍論 演曰三依諸見分之爲三初標



諍本於於如下辯其諍因後由此下辯其諍相如文  
可知 論毀謗論者至名毀謗論 演曰四明謗論  
文中有三初標次釋後結毀謗論者染心爲本發以  
廢言毀席於人名爲謗論損者卑亂 莊子云棄也慈者  
蘇因 字林云順也 論順正論者至名順正論 演曰  
五明正論文分三段初惣標牒次明正相後釋順名  
爲諸有情宣揚正法順行及果名順正論 論教導  
論者至教導論 演曰六明教論教修止觀引導解  
脫名教導論 論問此六論中至所應遠離 演曰  
四揀是非文分爲二先問後答此先問也 論答最



後二論至應當分別 演曰後答有三一答真實二

答非實三答初二應分別者佛教外教如其次第爲

其真實及非真實就佛教中了義不了義如次真實

及非真實於俗典中對不違理及有違理亦得名爲

真非真實言音詮義有差別故 論云何論處所至

法義者前論作義演八 演曰二明論處文中有二點先問後答答

中有六一於王家者有德國王平均識達於彼可論

翻此不能二執理家者平均識達善斷事家三於大

衆中者衆有平均識達者故餘三可解 論云何論

所依 演曰三明論依文分三段初徵次釋後結此



初微也 論當知有十至有八種 演曰次釋分三  
一惣標舉二隨別釋三再料揀此初標也 論所成  
立義至二差別 演曰二隨別釋文分爲二一辯所  
成二辯能成初中有二先牒列名後辯體相此初也  
論所成立至無立爲無 演曰後辯體相文分爲二  
一明自性二明差別此初也如立依圓色心等法名  
有立有成立遍計空花等法名無立無 論所成立  
差別至成立差別 演曰二明差別即於依圓有體  
法中小爲有上大爲無上色心無常無爲爲常稱法  
所立名成差別問此所說者自性差別而爲所立宗



因喻等以爲能立陳那理門宗爲所立因等能立理  
既差乎何以會同答夫二言宗者有言有義其所詮義  
自性差別不相離性名爲所立能詮之言名爲能立  
假能詮言立所詮故即此言義因喻成故皆名所立  
因及喻等說名能立此論據前理門約後各據一義  
亦不相違 論能成立法至正教量 演曰二辯能  
成文分爲二一標舉列名二隨標別釋此初標列惣  
有八支雜集數同名乃有異喻但爲一加合結二此  
論惣別喻分三種彼約類同故合爲一合結二分今  
義周圍彼別開顯體即因喻此不立之理門但依親



成宗義能立但三餘及親疎故開八種 論立宗者  
至所成立義 演曰二隨標別釋文分爲八一辯立  
宗二明因支三明引喻四明同類五明異類六明現  
量七明比量八明教量辯立宗中文分三段一明宗  
所成二顯宗差別三明立宗意此初也惣說自性差  
別爲二所成隨自及他皆依此二爲所立故 論各  
別攝受至攝受論宗 演曰二顯宗差別文分爲二  
初標後釋標中復二一標自宗二標他宗標自宗者  
立者顯者各立自宗自性差別自所許義以爲宗法  
名自所許品謂宗也如大乘師立自末那依於藏識



是識性故猶如意識即自比量也二標他宗立他宗者爲欲攝受於他推邪異執使歸正故如破勝論有性應非有性有一實故如同異性立他破他名他比量善自他宗隨意所立亦目此爲不願論宗也若立色聲皆是無常所作性故猶如瓶等自他皆許名共比量文易不言影略和故論若自辯才至若覺真實演曰後釋前標宗別所以若自辯才明自宗義若輕憊他立他宗義若從他聞重明他量若覺真實再明自量性相爲文故非次也論或爲成立至建立宗義演曰三明立宗意夫立宗者不出此之五



句意也思之可知 論辯因者至道理言論 演曰  
二明因支因有二種一通二別別謂成就所立宗義  
名爲因也依引喻等是通因也通能成立向前宗義  
故舉喻等六種道理順益於因成立前宗亦名因也  
論引喻者至此況言論 演曰三明引喻引謂援引  
援引喻況助因成宗名爲引喻即因後二相名因所  
依世皆悉此所立外法有無因宗猶如瓶盆及虛空  
等名易了知 論同類者至少分相似 演曰四明  
同類文分三段初惣標舉次隨別釋後結前文此初  
也隨所有法同喻法也所餘法者即宗法也喻與宗



法必分相似即名同喻非要一切皆須同也 論此

復五種至因果相似 瑜伽義演八 演曰次釋分二初十七總標舉後

依標釋此初也 論相狀相似至若因果 演曰

後依標釋文分爲五一相狀相似鳩鴿類同鷹鷂相

似二自體相似人等相望自類無別名自體相似三

業用相似作者士夫工巧等用有相似者名業相似

四法門相似如文可知五因果相似如穀豆等因所

生果皆相似也 論能成所成至是名同類 演曰

後結前文能成喻體所成宗法展轉相似是名同類

論異類者至應知其相 演曰五明異類如聲無常



衆爲同品虛空異品虛空無常全不相似名爲異也  
論現量者至亂境界 演曰六明現量文分三段一  
標舉列名二隨標別釋三問答分別此初也 論非  
不現見至非極遠故 演曰二隨標別釋如列分三  
一非不現見二非思應思三非錯亂境初復分三一  
起標列二依別釋三摠結前此初標列起有四種諸  
根不壞作意現前通下四也 論相似生者至名相  
似生 演曰二依別釋如標分四一明相似二明起  
起三無障礙四非極遠此初分二先明根境次明現  
體言已生者謂眼等識依根作意未生今生名爲已



生生已相續名爲等生生謂依根起謂作意作意警  
心未起今起起今趣境名作意也謂諸現識依於根  
境及作意力若生若起能取現境名爲現量根境相  
似名相似生 論超越生者至名超越生 演曰二  
明超越當地根境名爲相似上根下境名爲超越類  
同不同有差別故問上識緣下識境異故名爲超越  
借下識者境識亦殊應非相似答借識緣上而根境  
同不名超越上緣下者根境地殊不名相似相似但  
約根境同故 論無障礙者至或障所礙 演曰三  
明無障礙文分三段一標數列名二隨標逐釋三摠



結前瑜伽義演義此初也六

論覆障所礙至闇所覆障 演曰

二隨標返釋文分爲四一明覆障二明隱障三明映障四明惑障此初覆障文中有一明黑闇謂幽闇之處二無明闇謂夜闇中無燈等處三不澄清謂塵障等若水澄清及瑠璃等雖隔可見即非障礙 論隱障所礙至之所隱障 演曰二明隱障如文可知論映障所礙至一切衆相 演曰三明映障文中有二初標後釋釋中有四一如藥餘食映二毛端塵所映三小光大光映四所治能治映 論惑障所礙至或復顛狂 演曰四明惑障惑謂惑亂文中有五一



謂幻化二色殊勝映餘劣者而不觀故三明相似相  
似多法同在一處由似惑故有不見者四明內惑五  
辯顛狂如文可悉 論如是等類至名無障礙 演  
曰三總結前義舉斯障礙返顯無礙方名現量 論  
非極遠至損減極遠 演曰四非極遠由非遠故而  
皆可見名爲現量三遠如前第一快中而已明也  
論如是一切至名爲現量 演曰三總結前 論非  
已思至取所依境 演曰二非思應思現量文分三  
段一標舉列名二隨標別釋三總結前義此初也已  
思應思通比非量現量異彼名非已等 論纔取便



成取所依境者 演曰二隨標別釋文分爲二一辯  
纔取二明建立初中有三先牒次釋後結此先牒也  
論謂若境至取所依止 演曰次釋分二先明法體  
後舉喻明此初也謂境能作者能作所緣性纔取便  
成等者境與能緣爲所依止取謂緣也謂如色境有  
體爲緣能作所緣性率介眼識纔取境時便成取得  
所依境體名爲現量若未取已取不得境體即非現  
也 論猶如良醫至取所依止 演曰後舉喻明文  
分爲二初明現量後明非量此初也藥爲病者之所

瑜伽論義演卷第八

第十九張

點字号



依止病者創初纔服藥時便得所依藥之體性未作  
分別名爲現量若經時久行解思惟病息藥亡不得  
藥體名非現量 論藥之所有至名爲已思 演曰  
後明非量已思應思行解之想皆非纔取不得境體  
名非現量 論如是等類至取所依境 演曰後結  
法喻纔取之心便能得彼所依境體名爲現量 論  
建立境界取所依境者 演曰二明建立文分二段  
先標後釋此即初也 論謂若境至取所依止 演  
曰次釋分二初摠舉略釋後指事別明此初也謂若  
境者本質境也本質境體能作二緣一建立影像二



與取爲依謂有能緣緣所依境得體相者方名現量  
論如瑜伽師至作火風想 演曰後指事別明文分  
爲二初示其法後明量別初中復二一摠建立二別  
分別初中復二先標後示緣地地想名爲現量轉作  
水想即非現量 論此中地想至取所依境 演曰  
二別分別文中有二初彰後結彰中復二先明地想  
後例餘三初中地想二言別者想謂心想能取地心  
地謂境界是心依處心緣地時得自性故名爲現量  
分別思惟轉作水心不得體故名非現量地想既介  
餘三亦然 論此中建立至非應思惟 演曰後明



量別文分爲二初明現量後明比量此初也此中地境本質所依非已應思任運緣故名爲現量 論地等諸界至名已思惟 演曰後明比量於地等四本質境上變爲水等四種影像四種影像有成未成皆

瑜伽論義疏卷第八

第二十張

點字号

生分別不得本姓名非現量但唯比量等攝問定心觀境皆成現量云何思惟乃成比量答此依散位學觀者說若於定位成與未成亦皆現量 論如是名爲至思現量 演曰後結現量非已應思方名現也論非錯亂境界至見錯亂 演曰三非錯亂現量以



非錯亂即名現量文分三段一標舉列名二隨標合  
釋三結歸現量標中有二初標列五後標列七言遍  
行亂者謂六十二遍於前五得遍行名如釋知也  
論想錯亂者至堅執不捨 演曰二隨標合釋六七  
二處言於五者於前五中而錯亂也餘文可知 論  
若非如是至名為現量 演曰三結歸現量非五七  
心方名現量 論問至誰所有耶 演曰三問答分  
別文分爲二先問後答此先問也 論答至清淨現  
量 演曰後答分二一摠標略答二隨標別釋此初  
也 論色根現量至現量體相 演曰二隨標別釋



文分爲四一明色根二明意受三明世間四明清淨  
此初也謂五色根發生現識取五境界名爲現量

論意受現量至現量體相 演曰二明意受謂諸意

根所生意識取現境界亦名現量 論世間現量至

世間現量 演曰三明世間有漏根識名世間現量

論清淨現量至清淨現量 演曰四明清淨文中有

二初釋後結釋中有二初世現量亦名清淨謂善無

記心無染汙名爲清淨二清淨非世謂後得智了達

三性稱境而知皆名現量於中更有能量所量量果

等異如餘處說 論比量者至比量 演曰七明比



量文分三段一標舉列名二依標別釋三結歸比量  
此初標也思擇即是分別義也 論相比量者至名相

瑜伽論義演卷第八

第二十五張

點字号

比量 演曰後依標別釋文分爲五一明相比量二  
明體比量三明業比量四明法比量五明因果比量  
此初分三初揔標舉次隨別釋後結比量釋中類別  
有十六門義思可悉執持自相比道俗者謂持水鉢  
冠冕等如次比知道俗異也角犂者音封山海經云牛  
名今有小牛膊上高者名爲犂牛 論體比量者至  
名體比量 演曰二明體比量以體類體名體比量



文中有三標釋結別如文可知 論業比量者至如  
前應知 演曰三業比量以業作用比知體事名業  
比量文中有三標釋及結廣跡住者爲跡廣大見跡  
知爲 論法比量者至名法比量 演曰四法比量  
以法比法名法比量文亦有三標釋及結釋中有九  
如文可知 論因果比量至是名比量 演曰五因  
果比量以彼因果更手相比名因果比文中亦三標  
釋及結釋中類別有十九門 論是名比量 演曰  
三結歸比量 論正教量者至不違法相 演曰八  
明正教量文分三段一摠標列二隨別釋三結前也



此即初也一切智說正覺言音或從彼聞弟子所說  
從佛聞已轉爲說故隨彼法者雖不親聞但隨所說  
皆名正教 論不違聖言至不違正義 演曰二隨  
別釋文中有三此初也不違聖言弟子及佛所說經  
教如次不違正教及理故名正法 論能治雜染至  
及隨煩惱 演曰二明能治雜染能治染故名爲正  
教 論不違法相至不違法相 演曰三明不違法  
相文分爲四初摠略釋二別徵起三廣分別四摠結  
之此初也 論何等名爲違法相耶 演曰二別徵  
起 論謂於無相至滅爲無相 演曰三廣分別文



分爲二初辯後結辯中有六一增益損減門無我相  
中計有我相無常法中妄計爲常流轉法中執爲斷  
滅執我有色或無色等皆名增益諸邪見者於有相  
中撥無依圓因果等相名爲損滅 論或於決定至  
安立記 演曰二決定非定門文分爲二此初決定  
立爲不定生者皆滅一向無常妄計於中通常無常  
名違法相餘准此知佛說十四惡問之中不應記別  
而於其中妄生安立或說有無違於定無名違法相  
論或於不定至如是等類 演曰次於不定立爲決



定若據相增樂苦捨三如次貪瞋癡三決定隨逐若  
細論之貪遇違緣憂苦俱故瞋遇順境喜樂便生今  
執定然故違不定有漏造業受果准知樂受得通無  
漏攝故故思造業經悔心後許不受故 論或於有  
相至皆當了知 演曰三差別無別門文中有三初  
總標舉次示其法後指例餘如於有爲無差別者謂  
諸有爲皆有無常名無差別於無常中亦復建立者  
於無常中亦復建立無差別相於無爲法無差別相  
者無爲無相體無差別於有常法亦復建立者於有  
常法亦復建立無差別相 論又於有相至感可愛



果 演曰四因果相違門如文可悉 論計惡說法

至謂爲雜染 演曰五染淨相違門 論於不實相

至說第一義 演曰六假實相違門 論如是等類

名違法相 演曰後結也 論與此相違至不違法

相 演曰四摠結之也 論是名正教 演曰明正

教中三結前也 論問至所成義耶 演曰三再料

揀有五問答初問所成後四能成初中有二先問後

答此先問云如聲無常本來自云何而說因喻立

故名爲所成豈由因等方成聲體無常義耶 論答



爲欲至諸法性相 演曰後答意云爲欲令他敵證  
信解說聲無常非是本無成立今有名成所立 論  
問至先立宗耶 演曰後四能成文分爲四此初辯  
宗分二先問後答此先問也 論答至樂宗義故  
演曰後答可知 論問何故至立宗義故 演曰二  
明因也因通前陳名依現事立敵同許名決定理令  
敵攝取所立義宗故須次立 論問至現見事故  
演曰三引喻因依有法名所依事能成後法名成道  
理爲欲顯此因二之能故次舉喻彰能立也 論問  
至正教等耶 演曰四朋餘五文中有一先問後答



此先問也 論答至相違智故 演曰後答分二先  
標略答後別分別此初也因第三相及異品喻返成  
宗故名曰相違第二因相及正同喻順成宗故名不  
相違 論又相違者至同所成故 演曰後別分別  
文中有二初明二別後明量異初中又二先明相違  
後不相違此初也不決定者即六不定因於同異喻  
中相違不能決定成其宗義同所成者即四不成四  
相違也本立共因擬成宗果因旣帶似理須更成若  
更成之與宗無別名同所成似同異喻亦在此攝  
論不相違者至異所成故 演曰後不相違因無有



過名爲決定非要重立名異所成 論其相違者至  
故名爲量 演曰後明量異如文可知 論是名論  
所依 演曰論所依中後摠結也 論論莊嚴者至  
五應供 演曰四明論莊嚴文分爲五一標舉列名  
二隨標別釋三顯其德用四舉喻以明五摠結前義  
此初也 論善自他宗至善自他宗 演曰二隨標

瑜伽論義演卷第八

第二十四張

點字等

別釋文分爲五一善自他宗二言具圓滿三明無畏  
四明歎肅五明應供初中有二先釋後結釋中又二  
先自後他於自教中謂由愛樂至熟修行方成已善



說及明也於他教中但不修行餘皆同此名善自他  
論言具圓滿至不以非聲 演曰二言具圓滿文中  
有四一標二徵三釋四結此標舉也 論何等爲聲  
演曰二徵 論謂具五德至無有顛倒 演曰三釋  
分二初明五德後明九相初中有三先標次列後釋  
釋中有五初非鄙中言鄙者左傳云邊邑也俚音里者  
切韻云南人也五義善中引勝等者由義善故能引  
世間增上生道及引出世決定勝道 論又此聲論  
至九相續 演曰後明九相如文可知 論如是一  
切至言具圓滿 演曰四結也 論無畏者至名爲



無畏 演曰三明無畏文中有三標釋及結釋中有  
六一多衆謂多人之衆二雜衆四衆八部雜居一處  
名爲雜衆三大衆國王王子大臣官長大比丘等大  
人之衆名爲大衆四執衆執理人也五諦衆諦實語  
人名諦衆六善衆善解法義希聞正法名爲善衆  
論敦肅者至是名敦肅 演曰四明敦肅文亦有三  
他言未息而便發端名爲噍也速意可知 論應供  
者至是名應供 演曰五明應供文中有三謂標釋  
及結具斯德者應堪受供名爲應供 論若有依此  
至稱讚功德 演曰三顯其德用文中有三初標德



用次徵德數後依標釋此標也 論何等名爲二十

七種 演曰次徵德數 論一衆所敬重至處大師

數 演曰後依標釋如文可知 論如受欲者至光

明普照 演曰四舉喻以明莊嚴論也 論是故名

瑜伽論義演卷第八

第二十五張

無字號

此至論莊嚴 演曰五摠結前義 論論墮負者至

言過 演曰五明論墮負文中有二一標類舉數二

隨標別釋此標舉也 論捨言者至捨所言論 演

曰二隨標別釋文分三段初明捨言二明言屈三明

言過初中有四一標捨言二徵捨數三辯捨詞四結



墮負此初也 論何等名爲十三種詞 演曰二徵  
捨數 論謂立論者至我不復言 演曰三辯捨詞  
十三不同爲六對半一不善與善對二不觀善觀對  
三無理有理對四無能有能對五我屈汝成對六唯  
此過此對且置是下第十三也 論以如是等至名  
墮負趣 演曰四結墮負 論言屈者至沉思詞窮  
演曰二明言屈分爲三段一標舉列名二隨標別釋  
三結略前義此標標列有十三種 論假託餘事至  
才辯俱竭 演曰二隨標別釋如標所舉亦有十三  
如文可悉 論由如是等至墮在負處 演曰三結



略前義略攝爲三摠名墮負 論言過者至故名言  
過 演曰三明言過文分三段一摠標略釋二別徵  
廣辯三結前墮負此略釋也 論何等爲九 演曰  
二別徵廣辯文分爲二初徵後辯此初徵也 論一  
雜亂至言詞斷絕 演曰後辯分二初列九名後依  
列釋釋中有九前四可知五非義中而有十種一無  
義者無義理也二違義者違正義理三損理者損真  
俗理四與所成等者能立帶似如所諍宗名所成等  
等謂相似九立能成者因等有過更以因喻而成立  
之名立能成餘文可悉典語者典謂經也今雅云語



跋於經名爲典語俗語者說文云習也土地相習所  
起之語名俗語也 論凡所言論至墮在負處 演

瑜伽師地論義演卷第八

第二十六張

點字號

日三結前墮負

論論出離者至及不善巧

演曰

六明論出離文分爲二一標舉列名二隨標別釋此

標列也

論觀察德失至論出離相

演曰二隨標

別釋文分三段一明德失二明時衆三明善巧此觀

德失觀察德能及有過失堪作不作名觀德失 論

觀察時衆至出離相

演曰二明觀時衆如文可知

論觀察善巧至出離相

演曰三明觀善巧善達論



宗了知成敗名論出離 論論多所作法至辯才無  
竭 演曰七明論所作文分三段一摠標略釋二別  
徵重辯三摠結所作此初也 論問如是三法至皆  
善酬答 演曰二別徵重辯文中有二初問後答如  
文可知 論是故此三至多有所作 演曰三摠結  
所作 論已說因明至聲明處 演曰第四辯聲明  
論文分爲二初結前徵後後依徵正釋此初也 論  
當知此處至建立相 演曰後依徵正釋文分爲二  
初摠列名後隨別釋初中復二先列六名後爲頌結  
此初也 論盟陀南日至聲明相 演曰後爲頌結



論云何法施設至五義善 演日後隨別釋文分爲  
六一法施設二義施設三補特施設四時施設五數  
施設六處施設法施設中文分爲二初徵後釋法謂  
名等即是聲明之體離聲外無以此等法顯聲明體  
名法建立然具五德成勝能詮聲明者云名等即聲  
聲性是常而非能詮音響無常無常音響顯於常聲  
常聲能詮名曰聲明 論云何義施設至守護建立  
演曰二義施設文分爲二一明十義二明六義初文  
有二先徵後釋釋中有二初摠列名後隨別釋初中  
又二一列十名二舉頌結此初也 論盟陀南日至



受用護

演曰二舉頌結

論根建立者至威滿等

義

演曰後隨別釋文中有十一根建立者眼等六

根二大種建立者謂依持等如其次第地水火風三

業建立者謂往來等如其次第身語意業餘文可知

論又復略說至六轉義

演曰二明六義文分爲二

初各別釋後爲頌結此初也諸法自體名爲自性招

感爲因酬報名果有所施設名爲作用心心所法名

別相應轉變成熟名爲轉義具如雜集第十五辯

論盟陀南日至作用相應轉

演曰後爲頌結

論



云何補特至聲相差別 演曰三補特伽羅施設文  
分爲二初辯男女非三後明下中上相依此二三建  
立聲異西域俗傳蘇漫多聲有三類別一如補盧沙  
是男聲體二悉底履是女聲體三納達<sub>音</sub>索迦是非  
男非女聲體復有一摠聲如涅履題勢此之四種各  
有八轉一二轉中皆有一名二名多名如是合有九  
十六聲後三聲者小兒之聲名下士聲未有識知自  
他善惡凡庸等聲名中士聲見他善惡不自知故博  
達士聲名上士聲能外鑒物而內自省作不應作善  
惡等故此三士聲各有一體二體多體等別故成九



種 論云何時施設至現在殊勝 演曰四時施設

文中有二先徵後釋釋中有三三世別故故名三時

三時之中皆有因果因名三世果名殊勝果勝因故

論云何數施設至多數 演曰五數施設依三類數

立聲差別三數已上並名多故 論云何處所至根

栽建立 演曰六處所建立文分爲三徵釋及結釋

中有二一明處所二辯根栽傳西域云謂劫初起梵

王創造一百萬頌聲明論也後命慧臧帝釋復略爲

十萬頌次有迦單設羅仙略爲一万二千頌次有波



臧尼仙略爲八千頌此上四論惣名處所今現行者  
唯有後二前之二論並已滅沒字體根栽聲明論者  
有三百頌波臧尼仙所造略成聲明頌有一千頌名  
爲聲明略本頌後有八界論有八百頌名爲因緣又  
有間釋迦論一千五百頌又有溫那地論二千五百  
頌此五聲明並名根栽能與聲明爲生智解所依本  
故然護法菩薩造二万五千頌名雜寶聲明論西方  
以爲聲明究竟極論盛行於世言相續者是聲明合  
聲惣合諸字以爲一品是第一分言名号者劫初梵  
王於一一法上皆立千名帝釋後時滅爲百名後又



減爲十名後又減爲三名摠爲一品是第二品名号  
分也言摠略者是聲明中根本略要言彼益者是次  
中略令物生解名爲彼益言宜說者是廣宣說其略  
中廣是後三品即後三分上來五分即是五品是本  
聲胡之分品故合名處所言界頌等者謂即字體有  
三百頌此名爲界彼膩尼仙所造聲明一千頌名略  
本頌即此頌也等者等彼八界論聞釋迦論溫那地  
論故名爲等根栽者根謂本也見老子云栽音裁  
也論已說聲明至工業明處 演曰第五辯工巧  
明文分爲二一結前徵後二依徵正釋此初也 論



謂於十二至工業明處 演曰二依徵正釋文分爲  
二初辯智明後彰工業此初也 論何等十二至音  
樂工業 演曰後彰工業文分爲二先徵後釋釋有  
十二前七可知八生成者羊馬等類廣聚資生買賣  
求利名生成業九防那者織繡等業也多是男子所  
作故名防那那謂男聲也十和合者上和軍國下和

瑜伽論義演卷第八

第二十九張

點字号

商市十一成熟者食手等也餘可知之

論第十六 思所成地第十一

論已說聞所至思所成地 演曰第一辯通行中三



慧分三上明聞訖第二辯思文分爲二一結前徵後  
二依徵正釋此初也 論當知略說至擇諸法故  
演曰二依徵正釋文分爲二一標舉列名二依標正  
釋此初標舉列名也 論云何自性至善淨思惟  
演曰二依標正釋文分三段一明自性二辯所知三  
彰諸法初中有三徵釋及結釋中有九一思惟所聞  
二思惟思處生死染境不應思惟出世之法是應思  
處三能善了知黑說大說者外道邪人癡增上故名  
爲黑說大覺所宣名爲大說四思惟依義揀異初聞  
五少生信解初習思惟未通達故六者堅固七者安



住八者相續初中後心有差別也九及結略如文可知  
論云何思擇至所觀察義 演曰二辯所知文中  
中有五一問二答三徵四釋五別分別此初二也  
論何等名爲至所觀察義 演曰三徵四釋如文可  
知 論何等名爲至果相有法 演曰五別分別有  
二復次初中分二一明有法二非有法初中有二一  
標舉列名二隨標別釋此標列也 論何等名爲至  
現在相有 演曰二隨標別釋文分爲五一明自相  
二明共相三彰假相四明因相五明果相明自相中  
文分三段一徵舉列名二依徵正釋三摠結前義此



初也 論勝義相至非安立相 演曰二依徵正釋  
文分三段一明勝義二明相狀三明現在此初勝義  
體即真如根本智境二諦之中非安立諦名勝義相  
論相狀相有者至退還 演曰二明相狀初標後釋

瑜伽論義演卷第八

第三十上

點字号

釋中有四一名可得謂於色等有色等名揀異真如  
名非可得二事可得色心礙慮體事可得非如遍計  
事非得也三決定非定色心之言於事決定眩翳之  
人見空有花名事不定四隨轉退還五蘊假者法義  
相稱名無礙轉如聚時為軍名隨轉散為馬等名退



還也

論現在至因果性

演曰三明現在已生因

果揀異過未未來未生過無因果故於現在名為相  
有 論如是一切至自相有法 演曰三摠結前義  
論何等名為至法共相 演曰二明共相文中有三  
一徵舉列名二依徵正釋三摠結前義此徵列也

論種類共相至種類共相

演曰二依徵正釋文分

為五一明種類二彰所作三辯諸行四明有漏五明

一切此種類也五蘊各別名為自相合為一起假者

種類名為共相乃至十色各別自相同一色蘊名為

共相亦准此知

論成所作至說名共相

演曰二



彰所作文中有二初明善業後例餘文此初也業類  
雖多愛果爲一名爲共相多業共招一愛果故 論  
如善有漏至當知亦尔 演曰後例餘文不善無漏  
體類雖殊各感共果體無差別名爲亦尔 論一切  
至無常性相 演曰三辯諸行行謂有爲無常通遍  
一切有爲說名共相 論一切有漏至皆苦性相  
演曰四明有漏有漏諸行皆悉是苦苦遍諸行名爲  
共也 論一切法至無我性相 演曰五明一切有  
爲無爲有漏無漏皆空無我名爲共相一切諸法皆  
無我故問空等遍法名爲共相真性亦然如何前說



真如名爲勝義自相答空等無法可名共相真如實  
有說名自相 論如是一切至共相有法 演曰三

瑜伽論義演卷第八

第三十下

黜字号

摠結前義 論何等名爲至名假相有 演曰三彰  
假相文分爲五一問二答三徵四釋五結此初二也  
論何等名爲至非常言論 演曰三徵四釋釋中有  
二先標後辯此先標舉六言論也 論屬主相應至  
是假相有 演曰後辯分六一明屬主二彰遠離三  
辯衆設四明衆集五彰不遍六辯非常此明屬主文  
中有三牒釋及結但摠言生而無所揀言色生者便



有所屬是色之生非餘生故名爲屬主餘准此知  
論遠離此彼至此彼言論 演曰二章遠離文分三  
段一揔標略釋二別明真假三結釋前文此初也  
論若以此顯此至假相處轉 演曰二別明真假文  
分爲二初標後釋此標三句初二繫屬當須遠離第  
三假相方是此中第二言論 論云何以此至飄之  
鼓亦尔 演曰後釋三句文分三段初依法立次約  
情明後依假立此初有二先實後假謂地等四有假  
有實計言詮得堅濕煖動名實圓炤焰鼓名假皆非  
得性名爲遠離故唯識云聲不及處此便不轉若詮



火言得實性者。煖火之時。應被燒。口火以燒。煖爲自性。故既不燒。口明非得性。詮假亦然。但假名言遮表異。故立地等言。不可計言實爲詮也。煖者毀音。詩云。火也。論云。何以彼至莊嚴具等。演曰。次約情明文。

中亦二。先實後假。眼與識異名之爲彼。因眼顯識名。彼顯彼二。皆有體名。實相轉依於五蘊。立佛佛授假者。等名。名之爲假。依有情假。飲食等類。是法假也。餘義同前。論云。何非以至十十之三。演曰。後依假立。且如瓶等。口依於瓶。依假立。假不同前二。依實有假。諸言詮中。皆非得彼法之自性。名假相有然。立名言。但依第三。



假相所立假有遮表立名句等非是名等實能詮表名  
名等也 論如是等至此彼言論 演曰三結釋前文  
論衆共施設至行等相狀 演曰三辯衆設言論文分  
為二初標舉列名二隨標別釋此初標舉列六相也  
論事相狀者至謂思所取 演曰二隨標別釋文亦為  
六謂識通行如次所取名為六相一事相者謂識所取  
事之物惣相名事相狀二所識相者謂作意起心能取惣  
別名所識相三淨妙等者謂觸所取可意不可意及  
俱相違舉淨妙者明可意境等餘二相亦皆取也四



饒益等者謂受所取順違俱非文言饒益舉順益境  
等餘二境亦皆取之想思行相准此應悉眾依此處行  
解起言名為假相 論眾法聚集至種種言論 演曰  
四明眾集文中有二初標後釋釋中有二初明內法後  
明外法既為聚集故為假也 論不遍一切至即便旋  
還 演曰五章不遍文亦為二謂標及釋言旋還者謂  
不轉也亭邏者亭謂留也漢書云十里一亭亭留行人  
也邏即伋者韻略云遊兵備殺之所也鎮式等處皆是此也  
論非常言論至非常言論 演曰六辯非常文中有二  
初惣標舉後隨別釋如文可知 論隨於諸物至假相



有法 演曰五結前義如文可知 論何等名為因相有  
法 演曰四明因相文分三段一問二答三結此先問也  
論當知此因至還滅因 演曰二答分二一標舉列名二  
依標別釋此初也 論可愛因者至名長養因 演曰  
二依標別釋亦分為五此初三也前二可知第三即是等  
流習氣益後自類所生果法名為長養 論流轉因者  
至名流轉因 演曰四明流轉此種子者名言種也此熏  
習者諸業種也謂諸蘊種而為親因有漏業種而為助  
伴彼之蘊法方得流轉彼流轉者因二習氣故說為因



論還滅因者至名還滅因 演曰五明還滅文中有二  
初明還滅後辯滅因諸行還滅有漏皆斷離染還滅  
謂業煩惱能斷此道名還滅因何以然者以能趣證二  
之果故 論如是惣名至應知其相 演曰三結略指廣  
論何等名為至果相有法 演曰五明果相文中有三  
問答及結如文可知 論何等名為所觀無法 演曰二  
明非有法文分為二先問後答此先問也 論當知此相  
至畢竟無類 演曰後答文二先列後釋釋中有五初  
二可悉三互相無中復有三種一遠離性二若非有性三  
不和合性欲無禪定名遠離性闡提非佛名非有性人



天異居名不合性餘文可知 論復有五種至無性  
演曰第二復次明有無中文分為二先標後釋此先雙  
舉有無性也 論何等名為至相有性 演曰後釋分二  
先明有法後明無法初中有二標舉列名二依標正  
釋此初也 論此中初是至假施設相 演曰二依標正  
釋文分為五此初三也三性次配如文可知 論第四是  
至名差別相 演曰四明差別相雖差別與體不殊名  
不二相於中有三初明生住異滅次明苦空無我後明  
事等六相如前應知 論第五由四至不異性 演曰五  
明不可說文中有四三甚深中諸佛化身滅後有無不可



宣說何以然者甚深境界不可說故 論何等名為至  
相無性 演曰後明無法文中有二先徵後釋謂依前五  
有法之上執為實體即名此中所說無性為依遍計立無  
性故故唯識云即依此三性立彼三無性故佛密意說一  
切法無性初即相無性次無自然性後由遠離前所執我  
法性述此所以具如唯識此不論也 論云何思擇諸法  
演曰第擇法三思文分為二先標起問後依標釋此初也  
瑜伽義演論此復二種至擇伽他義三三 演曰點後依標釋文分為  
二初摠略答後隨別釋此初也 論思擇素坦纜至  
當廣說 演曰後隨別釋文分為二初素坦纜後辯



伽他此初也契經等義如下具明 論思擇伽他至  
體義伽他 演曰後辯伽他文分爲二先標後釋此  
先標列有三種也 論建立勝義至亦無涅槃盤者  
演曰後釋分三一明勝義二彰意趣三明體義初中  
有二一標經說有二依教別明此初標經說有勝義  
摠有四十四頌分爲三段初十六頌摠明勝義法我  
有無次二十一頌別明二諦章所觀境後有七頌明  
障盡已悟證遍知 論此中依止至二邊執故 演  
曰二依教別明文分爲二一摠明教意二別牒解之  
此初也頌中所言勝義諦者爲除有情增減執故



論於所攝受至增益邊執 演曰二別牒解之如頌  
所科亦分三段一明前十六頌法我有無二辯二十  
一頌彰二諦理三明後七頌悟證遍知前文有二初  
之九頌我法有無後有七頌明其雜染初中復二初  
之一頌摠舉無有後之八頌別明有無初中又二前  
之三句摠明無我遮增益執後之一句別明有法遣  
損減謗止初也初之二句人我爲空後之一句法亦  
非有二我旣寂執心又無契理通途故爲勝義 論  
而用轉非無至受者 演曰後之一句別明有法遣  
損減謗文中有二一遮離損減二明用假立雖無實



我主室等用五蘊假者作用非無名為有故六能作  
業此并第八能受果故 論雖言諸法至說受者性  
演曰後之八頌別明有無文中有二一辯法有二明  
我無此初半頌辯法有也但有緣起蘊等諸法名為  
受者非有微細所執實我名受者也 論雖言無主  
至觀察 演曰二明我無七行頌半明我無中摠分  
為二初兩行半明我體無後釋五頌顯用非有初復  
分二一釋兩句顯我都無後釋兩頌揀遮外難此初  
也審思無我如文可知 論此若無者至皆不可得  
演曰後釋兩頌揀遮外難外難有五一若無我者內



外不成二能所觀義不成三凡聖不成四彼此不成  
五深淨不成答意配文其義可悉 論雖說諸法至  
尚無況用 演曰後釋五頌顯用非有文分三段一  
釋半頌明法用無二釋半頌答外伏難三釋後四頌  
正明無用此初也法體尚無豈能有用 論如前已  
說至彼成就故 演曰二答外伏難伏難意云初頌  
既云用轉非無明用必有云何上說法無用耶答意  
屬頌如文可知 論如前所說至不能自滅 演曰  
三釋後四頌正明無用文分爲二初明三頌半顯七  
無用後釋半頌顯答外難此初明七無實作用一無



用用者如眼衆緣方名見等非一獨了名無作用何以然者以無真實眼自性故二無隨轉中如其次第宰主等者無任持者無宰主也無駁役故無作者也餘文配頌義可知之 論問如衆緣有至自然滅演曰後釋半頌顯答外難如文可知 論如前所說至有因法有 演曰後有七頌明其雜染文分爲二一釋二頌明染自體二釋五頌明染差別此初也牒前頌言有因法有有因法有即雜染體雜染起者謂因在家出家二品爲依起諸惑等名雜染也 論次後五頌至及時分 演曰二釋五頌明染差別文分



爲二先摠科判後隨文釋此先判也初之二頌明三  
雜染後之三頌辯時分別 論此中有因至三種雜  
染 演曰後隨文釋其中有二先明二頌顯三雜染  
後明三頌辯時分別初中復二一釋半頌摠明三染  
二釋六句別彰感業此初也有因等者無明行支名  
爲有因識等五種名爲諸法諸法即果愛取有三名  
爲有因生死二支名爲衆苦後五同前亦分因果故  
云衆苦亦復然有因衆苦體即惑等三雜染也 論  
根本二惑至煩惱雜染 演曰二釋六句分之爲二  
初釋二句別明煩惱後釋四句別彰業染此初也無



明與貪名根本二由此二惑最爲勝故故前頌云十  
二支分二言分二者前七爲因後五名果是爲二也  
能引所引能生所生如對法論如次二二合爲因果  
而於因位發業愚增果位之中潤生愛勝故依二惑  
十二分二 論自無能作至方有所作 演曰後釋  
四句別彰業深文中有二初摠談意次別牒釋牒釋  
有四一由所作業有差別故其所招果差別難思二  
自無能作三亦不由他四非餘能有如文可悉 論  
非內至能生雜染 演曰後之三頌辯時分別文復  
分二初釋七句顯未來世不生雜染後釋五句顯過



現生初中復二先明初頌後釋三句此初也非彼未來內根外塵中間六識生惑業苦所以然者由無相故過現可生故前頌云有時而可得反顯未來作用未起而不生也 論設行已生至如此如是 演曰後釋三句文有其二先釋後結此初也設於過現已生行中作前非內非外非中行由無分別尚不得生三種雜染言此相者內外等相況於未來全無有相相既無故故不分別如此如是無分別故何能生染論當來決定不可知故 演曰後結分二初結後釋此初也此結未來定難知故不生雜染 論若不如



是至或時可得

演曰後徵釋前來無相所以若不

分別未來無相恐

有人疑未來諸行能生雜染有時

論

可得言異類者未來無相別於過現名為異類

若於過去至可分別故 演曰後釋五句而顯過現

生雜染中文分三段一釋二句二釋一句三釋二句

此初二句顯過生染言若過去至如是者釋初過去

可分別句雖言分別未顯分別起之所由次言曾有

相見可分別等釋次分別曾有更句而釋分別起之

所以 論非唯曾有更至生諸雜染 演曰二釋一句

明現生染文中有二初釋後結過名曾有更現名未曾



正現見故不得名曾未曾緣故不得名明現是過流  
名爲種類結文可知 論行雖無始至新所起故  
演曰三釋二句辯除伏難伏難意云行既無始相續  
如流云何雜染分因果等故此答云常隨逐等隨逐  
不息顯行無初刹那新生明行有始故無有始俱不  
相違 論自此已後至得清淨故 演曰二辯二十  
一頌彰二諦理文分爲二一摠標觀意二別釋前文  
此初也雜染已彰須陳清淨於所觀境起斷修故  
論或由自相至如聚沫等 演曰二別釋前文分之  
爲二初釋二頌明自共相後釋十九章其世俗勝義



諦境初中有二先釋六句後彰半頌此明六句彰自  
相也謂觀五蘊如聚沫等日親所說皆無實也 論  
或由共相至所有共相 演曰後彰半頌諸行生時  
亦一時住滅明共相觀 論或由世俗及勝義諦故  
演曰後釋十九頌彰其世俗勝義諦境文分三段初  
釋八頌正明二諦次釋五頌顯通伏難後釋六頌依  
集生苦初復分三一釋二頌依惑雜染明其二諦二  
釋兩頌依業雜染明二諦相三釋四頌依苦雜染明  
二諦理此初文二一摠明依諦二別辯有無此初也  
然二頌中初之三句依勝義諦後之五句依世俗諦



依勝義諦本性清淨無有實癡實癡無故故癡不能  
而自癡癡亦復不能癡他有情無實我故故亦無餘  
真實有情能有彼癡俗諦門中可說言有何以然者  
以衆緣生故得有自他癡無癡等無明惑本舉一例  
餘貪等有無皆准知也 論謂雖無癡至癡能癡  
演曰二別辯有無文中有一先明初頌雖無癡者顯  
上三句依勝義諦非無愚下顯第四句依於俗諦緣  
生非無得說癡癡 論又復顯示至所癡 演曰後  
明後頌由不正思而愚得生復無無愚而思不正是  
以愚癡亦能癡彼 論又由世俗至無所隨逐 演



日二釋二頌依業雜深明二諦相文分爲二一總顯  
頌意二別辯釋之此初也其兩頌中初之七句依勝  
義諦第八一句依世俗諦 論又三應知至身等業  
演日二別辯釋之文分爲二先明前七後明後句初  
中復二先釋上三後明下四此上三句初句謂福等  
三行次句謂應知三世後句謂身等三業今舉下二  
不明上者易不言也 論一切不和合至不和合故  
演日後明下四顯不和合文又有二一明二三皆不  
和合二明三世不和合相例餘二三此初也勝義諦  
中諸法一如復無實用更互相望故無和合 論所



以者何至依衆緣 演曰二明三世不和合相例二  
三業亦不和合 論而復至更手相應 演曰後明  
後句依世俗諦心隨業轉業等得有相應之義世俗  
非無依他假用故隨業轉相應無失 論如福等行  
至實隨轉性 演曰三釋四頌依苦雜深明二諦理  
文分爲二一釋二頌顯依識等四蘊以明二釋後二  
顯通五蘊以章二諦初復分二一釋前三句明依真  
諦二釋後五句明依俗諦前中又二一舉例標顯二  
別牒釋之此初也 論何以故 演曰二別牒釋中  
文分三段一徵二釋三顯依真此初徵也 論若心



與彼至非不相應 演曰二釋分二先釋畢竟相應  
不相應前二句也言若心等者此牒心等有定相應  
不相應者言非此等者此顯相應不相應義定義不  
成不成云何應相應法恒時相應不得後時有不相  
應應不相應永不相應不得後時而有相應既不如  
是明知相應不相應者畢竟不可 論又非一切至  
或不相應 演曰次釋後句顯上二句非定相應定  
不相應由翻二句重言一切 論如是至不得成就  
演曰三顯依真真中無定不定相應故心隨轉理不  
成就 論今當顯示至所有因緣 演曰二釋後五



句依於俗諦文有其二一釋初句二釋後四此初標  
舉隨轉有因 論於此流無斷至及與隨轉 演曰

二釋後四顯隨轉因同類因果名爲相似異類返此  
以相似等顯流無斷由此四蘊隨順世俗假者見故  
故用非無 論又由勝義至受者 演曰二釋後二

頌通依五蘊以明文中分二一釋初頌顯依二諦後  
釋後頌結非一異初中復二一具二俗此初顯真初  
壞色身無色蘊相二名身滅滅四蘊相真諦之中無  
五蘊相故云無有作受等也 論由世俗故至自受  
演曰二顯依世俗故得說有三世作受 論又作者



至差別等頌

演曰後釋後頌依其結也依其諦中

因果道理理非一異何以然者因名作者果名受者

前因後果二差別故名爲非一是自攝故名爲非異

不同俗理可得言異

論如是至起我顛倒

演曰

次釋五頌顯通伏難文分爲二初揔標章後別釋頌

此初也瑜伽義演八由依其諦三十九因果之中而有點疑生故此通疑攝

屬二諦

論初頌至釋此四難

演曰二別釋頌文

自分三釋初釋初頌正答外難有四一後有不繼難

既無有我誰嗣於後後應是斷故初句答因道不斷

二因果頓生難無我持因有所遮障果應頓起故次



句答和合用轉用轉不俱果無頓起三因果通生難  
無我執持因果差別應一切因通生諸果諸果應從  
一切因生故次句答從自因生四攝受無因難無我  
誰攝生死作用故次句答攝受所作此通三義一由  
因續而果得生依立假者能攝所作二因不斷即攝  
生死作用不斷三由本識攝受所作因生後果 論  
由第二頌顯因果相 演曰二釋第二頌顯因果相  
上之兩句顯彰因相下之二句明其果相樂戲論因  
名言我執二種熏習淨不淨業有支熏習諸種子者  
是等流果異熟即是異熟果攝增上果名愛非愛也



以因屬果義可知也 論由後三頌至彼因彼果  
演曰三釋後三頌文中有二先標後釋此先標也  
論初頌顯示至故不可見 演曰後釋三頌分之爲  
三先釋初頌我見境也諸種異熟者現行第八執持  
諸種名種異熟我見起者第七我執執異熟見以爲實  
我而方起故即所執見能執內緣名爲內證內證之  
體而非質礙不同外色名爲無色不可見也 論由  
第二頌至衆見是果 演曰二釋第二頌顯見所依  
所依即彼無了凡夫凡夫假者爲所依故而起我見  
計此第八以爲內我我見爲依後方展轉起諸見果



六十二等因此而生以起我見通第六故 論由第  
三頌至之所生起 演曰三釋第三頌顯我見因文  
分為二先釋初句六十七我見惣緣第八見分為我各  
從自種而生起瑜伽義演八故 論諸外道等至方得生起點 演  
曰後釋後三句分別見因別因有三即宿習等若兼  
通行及自種者即有四也惣已成故故不論之 論次  
後五頌至能為障礙 演曰後釋六頌依集生苦文  
分為二一釋前五顯集生苦二釋後一明行苦喻盡  
之所由初復分二一惣彰意二別解釋此初彰意而  
有三也 論此中初頌顯示於集 演曰二別解中



如文分四一釋初頌顯示於集爲由貪愛及外境緣  
集生我見境亦名集由見致苦見亦集攝爲貪內體  
攝受希望我見因生計內爲我染習外境而是我見  
所起之緣名爲所也 論第二至爲已體故 演曰  
二釋二三頌以彰行苦文分爲二先釋初頌後明後  
頌此初也行苦本者謂是賴耶賴耶是真可愛等處  
放生愛著 論又復此苦至而暫息者 演曰後明  
後頌頌言賢聖達爲苦者三乘通言據不愚法說  
論由第四頌至苦樂緣 演曰三釋第四章彰行苦體  
而是計我苦樂三緣不平等者諸執我者因此發業



招感苦報名集衆苦 論由第五頌至無記故 演  
日四釋第五顯障解脫苦苦壞苦名爲二苦苦樂等  
受名爲諸受 論今當顯示至三界等 演日二釋  
後一明行苦喻盡之所由明第八識似彼地水名地相  
似水之別流名爲派也眼等六識三界五趣皆依第  
八所流出故名派衆流淪沒有情四生不息名最暴  
惡唯有正行方能除滅名爲竭也 論又法行者至  
及縛遍知 演日三明後七頌悟證遍知文分爲二  
初揔標舉後隨別釋此初標舉苦既盡已又須遍知  
論解了至皆依於苦 演日後隨別釋文分爲二先



釋初頌顯縛遍知後釋後六辯脫遍知初文復二先  
釋上二句後釋下兩句此初也然於賴耶行苦之體  
計爲我故受苦樂故受苦樂者本因行苦然苦未悟  
今方悟之故云了知我受苦樂皆依於苦苦即行苦  
第八識也若也信了容見道前若證了者初地已去  
論又此分別至能生彼 演曰後釋下兩句分別等  
者謂阿賴耶識體是行苦爲境生見復從見起名彼  
所生何以然者以執爲我復起諸業招當苦故故頌  
說云從彼生生彼 論顯示解了至解脫遍知 演  
曰後釋後六辯脫遍知文分爲二一結前生後二依



生正釋此初也 論謂染汙意至俱時滅故 演曰  
二依生正釋文分爲二一釋初三頌正明解脫二釋  
後三頌顯有無餘初中復二一釋初頌而顯解脫二  
釋後二明解脫相此即初也此第四句與唯識論所  
引經中第四句異彼後句云非曾非常有經自釋云  
對治道生斷煩惱已意相應惑非唯現無亦無過去  
過去未來無自性故何乃不同答文雖少異意皆同  
也經自解處約世而論此論所明據時而說金剛心  
中得解脫時三世俱無四惑同滅聖智未起意惑俱  
生智正起時彼即俱滅故皆同時理無別也 論又



顯所說至說爲解脫 演曰二釋後二明解脫相文  
分爲二初正辯相後明所以此初也非彼染意法生  
已彼淨意方生名爲解脫由先無染名解脫故 論  
爲成此義至清淨等頌 演曰後明所以染汙本來  
自性清淨旣非有彼所淨染法何得別有能淨淨法  
方名解脫故大般若云一切諸法本性清淨深密亦  
云非雜染法先染後淨非清淨法後淨先染 論又  
復顯示至乃至廣說 演曰二釋三頌顯有無餘文  
分爲二先釋初頌顯有餘依後釋二頌顯無餘依初  
中有三標釋引證科上三句如文自明點第四句結煩

瑜伽義演八

王



惱解脫即彼自性相應斷也事解脫者所緣斷也經  
言眼中貪欲斷者明惑解脫眼亦當斷明事解脫  
論如是顯示至解脫 演曰後釋二頌顯無餘依文  
分爲二一結前生後二依生正釋此初也 論自內  
所證至不能證故 演曰二依生正釋文分爲二一  
釋初頌二明後頌此初頌也顯離苦盡絕諸戲論明  
異有餘有餘尚有苦依未滅今則皆止名衆苦盡  
論爲顯補特至無涅槃者 演曰二釋後頌顯無餘  
依而無我法及於生死亦無能證涅槃之者



